


NATIONALBIBLIOTHEK  
IN WIEN

135247-B

ALT-

129. C. 296.

Common in the ...



11



12

13

135247-B

*Sigillum  
medici ocularii romani.*



II.

I.



IV.

III.

*ex museo J. E. J. Walchii.*

*fec. J. C. B. Heller, Jenae.*

SIGILLVM  
MEDICI OCULARII  
ROMANI

NUPER  
IN AGRO IENENSI  
REPERTVM  
ET  
OBSERVATIONIBVS  
ILLVSTRATVM

A  
IO. ERN. IMMAN. WALCHIO  
ELOQVENT. ET POES. PROF. PVBL. ORD  
SOCIET. LAT. IENENS  
DIRECTORE

ACCEDVNT  
RELIQVA  
SIGILLA ET INSCRIPTIONES  
MEDICORVM OCULARIORVM  
VETERVM

---

JENAE  
IMPENSIS G. C. B. HELLERI MDCCCXLIII

THE  
LIBRARY OF THE  
MUSEUM OF NATURAL HISTORY  
AND  
HUMAN ANTHROPOLOGY  
OF THE  
SMITHSONIAN INSTITUTION  
WASHINGTON, D. C.  
20560



SIGILLVM  
MEDICI OCVLARII ROMANI

---



**R**EPERTVM est haud ita pridem in agro ienensi antiquum romanum monumentum, si magnitudinem spectamus, parvum aut mediocre, si utilitatem, sic comparatum, ut omni attentione dignum, antiquitatis certe amatoribus periuicundum esse videatur. Lapis est quadratus viridis coloris, minus tamen perlucidus, ut solent esse, qui ad iaspidium vulgo genus referuntur. Laterum spatium utrimque simile est, duorumque pollicum latitudinem vix excedit. Crassitudo non magna, sed modica, superficies polita et laevigata, usu tamen et iniuria, ut videtur, temporis paulisper detrita. In medio lapide foramen est, arte et studio, quod omnes rationes ostendunt, factum, vel ut filo suspenderetur ab iis, quibus id lapidum genus in usu olim fuit et consuetudine, vel alias forte ob rationes, aevo nostro, propter veterum ea de re silentium, incognitas. Iam vero, quod caput rei est lapidis huius quatuor latera inscripta sunt, incisilis litteris romanis, ductu inverso, a dextra ad sinistram, sic, ut istae, cerae impressae, rectae demum et more consueto,



fueto, a sinistra ad dextram, adpareant. Quoduis latus singula-  
rem refert *πινυσαφην*, litteris propter spatii angustiam coarctatis  
et duobus *επιχοις* expressam. In altero lapidis latere incisae  
visuntur litterae:

PHRONIMDIAPSOR  
OPOBALSADCLAR

In altero:

PHRONIMDIASMRN  
POSTAPELIPEXOV

In tertio:

PHRONIMEVDES  
ADASPRIT.ET.CIK

In quarto denique:

PHRONIMIPENICIL  
ADOMNEMLIPPIT

CVIVS lapidis verba quid significarent, quaeue iisdem sub-  
tra esset sententia, quum quaererent multi, et, quid nobis ea de  
re videretur, sciscitarentur curiosius, aliis alia ex hoc viridi la-  
pillo quasi diuinantibus, haud ingratam nos rem earum rerum  
amatoribus facturos, arbitrati sumus, si vera horum verborum  
enodatio publice a nobis proponeretur.

QVA





QVA quidem in re hoc imprimis tenendum est, mo-  
nimentorum huius generis, cuius nostrum esse diximus,  
haud admodum multa ad hanc aetatem peruenisse. Duos  
eiusmodi lapides in lucem publicam protulit in Batavia  
IOANNES SMETIVS a), quos in miscellanea erudi-  
tae antiquitatis postea transtulit eruditissimus Gallus, IACO-  
BUS SPONIVS b), addito ex PIRRESII schedis tertio, eiusdem  
fere formae, cuius illi sunt, quos SMETIVS cum doctis viris ad  
explorandam eorum hac de re sententiam antea communicauerat.  
Ac is quidem SMETIVS, qui lapillorum horum vsus olim  
fuerit, quaeue eorum verbis subiecta sit sententia, plane se igno-  
rare, ingenue fatetur. SPONIVS autem, ingenio felicior, con-  
iecturas nonnullas de iisdem fecit, quae etiam non omnes veri  
speciem prae se ferunt, hoc tamen Gallus iste laudis habet, quod  
is primus viam monstrauit, vnde ad veram horum lapidum in-  
terpretationem eorumdemque olim vsus cognoscendum perue-  
nire queamus. SPONIVM sequutus est Anglus doctissimus, ED-  
MVNDVS CHISHULL c), Anglum celeberrimi in Italia duumviri,  
illustrissimus marchio, SCIPIO MAFFEI d), et LVDOVICVS AN-  
TONIVS MYRATORIVS e), quorum studio et opera factum est,  
vt post tres illos lapides, a SMETIO et SPONIO editos, sex no-  
ui eiusdem generis ex tenebris, quibus submersi per tot secula  
iacuere, ad pristinam lucem redirent, vnus EDMVNDI CHIS-  
HULLI, alter et tertius MAFFEI, reliqui MYRATORII f) cura et  
beneficio, quorum hic inscriptionum veterum thesaurum, ille  
cum suis Galliae antiquitates, tum museum Veronense, iste  
HAYMII thesaurum Britannicum egregiis his antiquitatis moni-  
mentis ornare atque illustrare studuit. Ac his quidem comitem  
quasi et socium se adiungit decimus, ad nostram urbem in are-  
na,

a) antiquitatibus Noniomagensibus p.  
98. 99.

b) miscell. eruditae antiquitatis p. 237

c) singulari dissertatione, quae exstat  
in thesauro Britannico HAYMII.

d) Galliae antiquitatibus, p. 81. et  
musco Veronensi p. CXXXV.

e) nouo thes. inscript. p. 15 VIII.

f) apud MYRATORIVM loco memo-  
rato quatuor huius generis lapides pro-  
feruntur, ex quibus tres antea lucem non  
viderant, primum ab ipso editi, quartus  
vero idem est, quem ill. marchio  
MAFFEI dedit antiquitatibus Galliae,  
pag. 81.



nam quam fluuius aduehit; casu et fortuito repperit. A reliquis, iam editis, quoad inscriptiones reputamus, plane est diuersus, sicutamen comparatus, ut quantum noster ab illis lucis mutuari, tantum certe iisdem vicissim reddere et alter alterum mirifice illustrare videatur.

DE inscriptionibus lapidis nostri primum dicemus. Quae si inter se, cum cum aliis horum lapillorum conferuntur, tria in vnaquaque contineri, facile adparebit, primum nomen medici, deinde medicamentum, ab ipso compositum, denique medicamenti huius virtutes, siue ad quod morbi genus istud sit adhibendum. Quum vero cuncta, tam quae in nostro, quam aliis istiusmodi lapillis nominantur, morborum genera, ut quilibet videt, ea sunt, quibus oculus humanus obnoxius esse soleat, facile ad coniecturam hanc ducimur, fuisse hunc lapillum olim medicis ocularii, medicamenta vero, quae is praeparauerit, et quorum virtute morbis oculorum mederi voluerit, eosque, vitio quodam laborantes, ad pristinam reuocare sanitatem. Quam multa vero hic dicenda forent, si paullo altius rem ipsam repetere et medicorum oculariorum apud veteres rationem ostendere, in praesenti nobis animus esset: si descriptionis huius limites permitterent, ut singulis fere morbis singulares olim fuisse medicos, ostenderemus, ocularios prae ceteris in honore et pretio fuisse, causam vero eius rei, cum ab eo repetendam esse, quod in sananda praestantissima totius corporis humani parte eorum versata fuerit, tum propter morborum vitiorumque multitudinem, quibus oculi nostri tentari vexarique soleant. Neque vero non monstrari simul posset, saepissime idcirco huius medicorum generis in antiquis monumentis factam esse mentionem viderique istud, teste

HERODOTO (g.) ab Aegyptiis ad Graecos, ad Graecis ad Romanos peruenisse: ex horum inscriptionibus haud paruum medicorum horum colligi posse numerum, vocatos eosdem fuisse modo

ocularios (b), modo oculares

(g) Euterpe, cap. LXXXIII.

(b) videatur GRUTERVS p.

156 XXXIII. 25. 156 XXXI. 8. 167

DIVS infer. CCLI. 12. MAFFEI, mus. Ve-

ron. p. 138. 2. REYNESIVS infer. p. 611.

FABRETTVS infer. domest. p. 366. MAL-

VASTA marmoribus Felsin. p. 219. AVRA-

TORIVS p. 156 CCCVIII. I. 156 CCC. 4.





bunc in modum est distributa, ut singulorum morborum sint medici, non plurimum. Itaque omnia referta sunt medicis. Alii enim sunt oculorum, alii capitis, alii dentium, alii alui partium, alii morborum occultorum. Consuetudo haec ab Aegyptiis ad Graecos videtur transiisse, a quibus eam acceperunt Romani. Praeterea enim, quod dentarios, auricularios, ocularios, clinicos aliosque huius generis medicos habuerunt, ut recte, cels. WESSELI-  
GIVS n) observat, mentio quoque facta est medicarum a mammis in lapide apud GYDIUM: o)

TORELLIA. T. L. MELANIONA

MEDICA. A. MAMM.

ANN. XL. SE. VIVA. FECIT. ET

VRN. MARMOR. POSVIT.

Quod etiam confirmant verba SCRIBONII LARGI p): *multos animadvertimus unius partis sanandi scientia medici plenum nomen consequutos.* Ex quibus intelligimus illa MARTIALIS: q)

*Totis, Galle, iudes tibi me servare, debet*

*et per Auentinum ter quaterque ire tuum.*

*Eximit aut reficit dentem Cassellius aegrum;*

*infestos oculis visis Hygie pilos,*

*non secat, et tollit stillantem Eannius uiam,*

*tristitia servorum stigmata debet Heros,*

*enterocelorum fertur Podalirius Hermes.*

*Qui sanat ruptos, dic mihi, Galle, quis est?*

quibus medici dentarii, ocularii, qui porro tuberculos in faucibus sanarunt, tum qui stigmatum delendorum artem sunt professi,

n) obs. de veterum medicis oculariis  
vol. III. actorum soc. sac. Ientisii, p. 48.

o) p. CCXXIII. 6.

p) compoite. med. prafar. p. 5. ed.  
RHODII.

q) lib. X. epigr. 57. al. 50. p. 721.  
edit. RADERI.







RARO autem factum est, ut unus medicus plures simul me-  
dicatione partes diceret, easque ad usum et exercitationem reuo-  
caret. Qualis fuit olim P. DECIMIUS P. L. EROS MERVETUS,  
idem, quem Assisii sua pecunia viam sternendam curasse, la-  
pis MYRATORIANUS, b) docet, *medicus, clinicus, chirurgus et*  
*ocularius*, sic vero eum vocat marmor GRATERIANAM i):

AMMENTE P. DECIMIUS P. L. EROS OTTOE MONTE

ICOTAE MERVETI MEDICVS EDITH TEMA ANHEM

CLINICVS. CHIRVGVS

OCVLARIVS. VI. VIR.

Inprimis vero huc pertinere videtur CLAVDIVS AGATHE-  
MERVS, *καλὸς τε*, *medicus* vocatus, non addito aliquo *επίθετο*,  
quod is non partem medicinae excoluerat, sed uniuersam sibi

com-  
praetermissis miras, non *romani*, seu *huc* *elegi*, *salario* *publico* *honora-*  
constantinopolitani, sed *municipalis*, *cur.* *Enimvero* *in* *duabus* *legibus* *9.*  
archiatri memoriam exsare in vetusto *et* *10.* *eiusdem* *in* *codicis*, *in* *quibus*  
marmorae Polae in Illyrico, in GRV-  
TERO pag. DCXXXII, s. cui addimus  
nunc ex inscriptione nostra Pisauren-  
sem archiatrum. Ea vero, quae de ar-  
chiatri, *καλὸς τε* *αὐτὸς*, *hand* *me-*  
lora mihi videntur. Scribit enim,  
archiatri, vel medicos absolute eos  
ferme dictos fuisse, qui non medici  
parciales essent, ut ocularii, clinici,  
chirurgi, sed uniuersam medicinam col-  
lerant, et exercerent, quum archiatri  
a medicis expresse distinguantur in *U. C.*  
de professor. ibi: *medicos et maxime ar-*  
chiatri. Ego vero si possit tantos viros  
sententiam meam proferre mihi, si sit  
sententia, medicos dictos fuisse illos, qui  
medicinam suo periculo exercebant,  
quos hodie *medici*, *chirurgi* appella-  
mus, archiatri vero, qui a decurioni-

b) p. CCCCLXXXII. *Gr.* *101* (A)  
i) p. CCCCLXXXII. *Gr.* *101* (A)  
B. *Gr.* *101* (A)





medicus oculusarius, et simul seuit coloniae Iuliae Fanestris fuit, vt ex prisco marmore *io*, JAC. BOISSARD *p*) et FANI GRVTERI *q*) discimus: Q. COELIVS NIGER, cuius lapidem exhibent THOMAS REINESIVS *r*), RAPHAEL FABRETIUS *s*) et CAROLVS CAESAR MALVASIA *t*): Q. CAERELLIVS QVINTILIANVS, cuius sigillum, pyxidibus vnguentariis signandis adhibitum, exstat apud LMD. ANTON. MYRATORIVM *u*) et CAP. SABINIANVS, de quo idem fere sigillum habemus a SPONIO *x*) in lucem publicam editum: C. DOMITIVS DEMETRIVS apud RAPHAEL FABRETIUM *y*) et CAROLVM CAESAREM MALVASIAM *z*) et P. DECIMIVS P. L. ERBS. MERULA, medicus clinicus, chirurgus et oculusarius, cuius marmor apud GRVTERVM *a*) et corrupte apud RICOLVIUM et RIVAVTELLAM *b*) legitur: CN. HELVIUS CN. L. IOLLA apud GRVTERVM *c*): TIBERIUS IVLIVS CVTISONVS, Augusti libertus, apud BOISSARDVM *d*) GRVTERVM *e*) et PATINVM, *f*) idem sine omni dubio, quem MYRATORIVS *g*) CVTISORVM scribit: M. IVLIVS SECVNDVS, cuius memoriam servat lapis sepulcralis ab ill. marchione SCIP. MAFFEIO *h*) et LVD. ANI. MYRATORIO *i*) in lucem publicam editus: C. IVLIVS DIONYSIODORVS, cuius sigillum apud laudatum MAFFEIVM *k*) reperitur: M. IVLIVS CHARITO, qui itidem ad signandas pyxides suas vnguentarias sigillo vtus est, descripto a MYRATORIO *l*) aeque ac MAFFEIO *m*): M. LATINIVS M. L. medicus oculusarius,

B 2

HER-

- p*) tom. IIII. antiquit. p. 87.  
*q*) p. ccccxvi. 8.  
*r*) clast. xi. num. 8. p. 611.  
*s*) insc. domest. cap. IIII. p. 300.  
*t*) marmoribus Felsineis, p. 219.  
*u*) p. 13VIII. 1.  
*x*) miscellaneis eruditae antiquitatis, p. 237.  
*y*) inscrip. domest. p. 300. num. 276.  
*z*) marmorib. Felsin. sect. v. cap. 1.  
*a*) p. 219.  
*b*) p. cccc. n. 7.  
*c*) marmoribus Taurinensibus, part. 1.  
*d*) p. 231.

- c*) p. 13cxxxiii. 1.  
*d*) libr. IIII. antiquit. p. 84.  
*e*) p. 13Lxxxi. 8.  
*f*) comm. in antiquum Artorii monumentum, p. 451.  
*g*) p. 13ccccxxviii. 5.  
*h*) museo Veronensi p. 135. num. 2.  
*i*) p. 13ccccviii. 1.  
*k*) mus. Veron. p. cxxxv. 3.  
*l*) p. 13VIII. 3.  
*m*) antiquitatibus Galliae, p. 81.



HERMES, cuius lapidem exhibet I. P. P. NVMITORIVS AP. L. ASCLEPIADES, seuir Veronensis et medicus oculus apud GRVTERVM; a) CONVPHRIVM PANVINIVM p) et SCIP. MAFFIVM q): M. REVTICA, de quo lapidem dedit modo laudatus MAFFIVS r): C. RVTHIVS EVTHETVS hymanose RAPH. FABRETTI s) ROSIBIVS medicus oculus, quem GRVTERVS t) nobis cognitum ex eius inscriptione fecit, repetita a LVD. ANT. MYRATORIO u): CAIVS SVLPITIVS HYPNVS, et CAIVS STATIVS SABINIANVS, quorum sigilla exhibet MYRATORIVS. x) TIBERIVS CELADIANVS y) Tiberii Caesaris Augusti medicus oculus, legitur in marmore apud GRVTERVM z) M. VERO VIVIVS HERACLES in binis sigillis, quorum uno 2) in lacem publicam editis, Quibus merito adiunguntur ii, quorum in scriptoribus graecis pariter ac latinis mentio facta est, nominatim CAPITO, HERMIAS, HEROS, SERGIUS, PACIVS, GALLIO, GAIUS, STOLVS, BRITANNICVS et ZOILVS apud GALENUM a) ATIMETVS apud SCRIBONIUM MARGVM b) EVELPIDES apud CELSYM c), unde reliquis taceamus. avd

Ac de his quidem medicis oculis, antequam ad alia discedamus, haud immerito quaeri potest, serine aut liberti fuerint omnes, an ex iisdem nonnulli quoque ingenui? ROORTELLVS, tum FERRETVS, alique multi in ea olim fuere opinione, medicinam Romae non nisi a feris excusam fuisse, e quibus nonnulli postea manumissi fuerint. Verum causam medicorum ea in re haud infeliciter in se suscepit defendendam doctissimus CASAVBONVS d) argumentisque satis grauibz demonstravit, si in seruorum romanorum familiis medicos

n) inscrip. domest. p. 300. num. 279.

o) p. cccxxxiii. 4.

p) antiquitatibus Veronensibus, p. 242.

q) Verona illustrata, part. I. p. 355. num. 23.

r) museo Veronensi, p. 284. num. 1.

s) inscrip. domest. p. 299. num. xxv.

t) p. lxxxv. 3.

u) p. lccccxxvii. 14.

x) p. lxxviii. 2. et 4.

y) cldcxj. 6.

z) miscellan. eruditae antiquitatis,

p. 237.

a) de compos. med. sec. loc. lxx. l. iv. 6.

b) compos. cxx.

c) libr. vi. cap. 6.

d) nos. ad Sueron. vit. Caes. cap. lxxii.

dicos fuisse, legamus, idcirco effici haud posse, omnes artis huius cultores fuisse conditionis servilis. CAVSA BONVM sequenti sunt non solum DRELINCOVRTIVS singulari de hoc argumento oratione, in lucem publicam edita, sed etiam eruditissimus SPONIUS alique, de quibus viri cel. IVL. CAROLI SCHLAEGERI *historia litis de medicorum, apud veteres romanos degentium, conditione videatur e)*. Ac is quidem SPONIUS *f)*, ex inscriptionibus imprimis, non omnes, qui Romae medicinam fecerint, servos fuisse, probare studuit, inueniri enim haud paucos ingenuos ex antiquis celebribusque romanis familiis, qui artem medicam exercuerint, et ex quorum lapidibus, honestissimae eos et originis et conditionis fuisse, haud obscure, certe non sine probabilitate, diuinari possit. Addit vir doctissimus, multos graecos homines ingenuos Romam venisse, iusque ciuitatis consequutos esse, qui ibidem morbis sanandis dederint operam, neque defuisse alios, eiusdem artis scientia imbutos, qui amplissimis in republica honoribus essent functi, adeo, vt iniuriam faciat salutaris huic disciplinae, qui eandem non nisi a seruis Romae ex cultam esse, arbitretur. Quae quidem omnia fundamento suo neutiquam destituta, sed ita potius comparata sunt, vt, quae SPONIUS de medicis romanorum in vniuersum, eadem de oculariis nominatim summo iure dici affirmarique posse, nobis videantur. Nam etsi in seruis ocularios fuisse, tanto minus negari potest, quo luculentius extra omnem dubitationem ea res ponitur ILLYRII CELADIANI marmore *g)*, qui ocularius medicus et in Tiberii Caesaris Augusti seruorum familia fuit: etsi neque hoc quisque negare poterit, plurimos eorum, quorum memoriam prisca nobis, conseruauerunt marmora, libertorum numero fuisse adscriptos, de quibus admodum probabilis est coniectura, eosdem adhuc seruos, ante manumissionem suam, oculorum vitio laborantibus opem tulisse. Hoc tamen simul non

B 3. 1777 fine

*e)* edita Helmstad. c. 1000 c. 1000. 4. *f)* in recherches curieuses d'antiquité, in quibus p. 419. exstat dissertation, qu'il n'est pas vray, que ce fussent seu-

lement des esclaves qui pratiquassent la Médecine à Rome, ni que les Médecins en aient jamais été bannis.

*g)* apud GAVTERVM p. c. 1000. 6.



sine summa probabilitate adfirmare licet, fuisse in his medicis  
ocularis etiam ingenuos, quos nascendi conditio non ad infi-  
mam et vilem feruorum sortem abiecerat. Quo quidem referen-  
dum esse ducimus M. IULIUM SECUNDUM in marmore apud  
illustriss. marchionem. SCIPIO. MAFFEIVM: *b)*

M. IUL. SECVNDI

MEDICI OCVL.

IN. FR. P. XIIIIL

IN. AG. P. XIIIIL

TIBERIVM porro CLAVDIVM apud MYRATORIVM: *i)*

TI. CLAVDIO

MEDICO. OCVLARIO

VIX. AN.....

L. COCCEIA. VIRO

SIVO

Tum C. RVTILIVM EVTHETVM apud FABRETTVM: *k)*

C. RVTILIO. EVTHETO

MEDICO. OCVLARIO

RVTILIA. MYRINE

PATRONO. EIDEM. CONIVGI

Denique CN DOMITIVM apud eundem: *l)*

CN. DOMITIO. DEMETRIO

MEDICO. OCVLARIO

PATRI. SVAVISSIMO

DEMETRIVS. FILIVS. FECIT. cet.

Ocu-

*b)* museo Veronensi p. cxxxv.

*i)* p. lccccxxxxv. 2.

*k)* inscript. domest. p. 299. num. 25.

*l)* p. 300. num. 276.

Ocularios vero medicos seiviratu quoque in coloniis et municipiis functos esse, demonstrat P. L. NVMITORII ASCLEPIADIS exemplum, *seiviri Veronensis*, quemadmodum in marmore apud GRVTERVM *m*) vocatur:

P. NVMITORIVS P. L. ASCLEPIADES  
IIIIV. VIR MED. OCVLAR. SIBI ET  
SEMPRONIAE. L. F. GALLAI VXORI

TESTAMENTO. FIERI. IVSSIT  
tum aliud, Q. COELII NICOMEDIS, *seiviri coloniae Iuliae Fanestris*, apud IO. PAC. BOISSARDVM *n*) et IANVM GRVTERVM *o*).  
Q. COLIVS. Q. L. NICOMEDES  
MEDICVS. OCVLARIVS. SEX. VIR  
COL. IVL. FANESTRIS.

TANDEM, et hoc probe tenendum est, medicorum veterum duplex olim fuisse genus, alterum eorum honoratius, qui Romae, aut alio loco, firmam, fixam stabilemque sedem habuere, qui quaeſiti ab aegris sunt, alterum vilius, qui aegros quaeſſuere, ac circumforaneorum instar, per circuitum fora, regiones, vrbiumque vicos oberrarunt et praeparata a se medicamenta vendiderunt. Ac hi quidem sunt, quos *peripodeusi*, antiquitus appellatos esse, videmus *p*); de quibus MODESTINVS *q*) iuris consultus, *medici*, inquit, qui *peripodeusi*, id est, *circulatores* vocantur, quemadmodum a reliquis muneribus, ita a tutela, et cura requiem habent, et qualis fuit L. SABINVS PRIMIGENIVS apud RO. HAPPE FERATIVM *r*).

*m*) p. CCCXXXIII. 4.  
*n*) rom. III. antiquis. p. 87.  
*o*) p. CCCXXI. 8.  
*p*) legatur CLAVDIVS PALMASIVS exercitus Iulianus Plinians, p. 339.

*q*) leg. 6. §. 1. digest. de excus. tur. extraord. crim.

*r*) *musis lapidaris* p. 303. marmoreo



LE SABINVS L. L. PRIMIGENIVS  
ORTVS AB IGTVIO MEDICVS FORA MVLTA SECVTVS

ARTE FEROR NOTA NOBILIORE FIDE  
ME CONSVRGENTEM VALIDA FORTVNA IVENTA  
DESTITVIT RAPIDIS IMPOSVITQVE ROGIS, CEC.

AD quale vero medicorum oculariorum genus PHRONI-  
MVS noster pertinuerit, facili coniectura diuinari potest.  
Videtur enim ad ocularios *περιουδεις* referendus esse. His  
enim ea ipsa fuit consuetudo, quae Phronimo nostro, vt medi-  
camenta praeparata pyxidibus indita et signata per vrbum fora  
circumferrent ac diuenderent. Statum ipsius si cogitamus,  
mallem eum profecto libertorum numero adscribere, quam ho-  
minum ingenuorum. Solo enim cognomine, prout ille, magis et  
frequentius primorum augustorum caesarum aevo utebantur li-  
berti, quam ingenui. Accedit, quod *ελευθεριον* cognomen gessit,  
libertis et seruis longè familiarius, quam ingenuis. Ac haec  
quidem omnia luculentius patebunt, si de ipso eius nomine non  
nulla notatu digna iam in medium proferemus.

NOMEN, quod medicus noster ocularius in lapide gerit, sic  
comparatum est, vt omnia in isto romanam consuetudinem, pri-  
morum imprimis post seruatores natum seculorum, sapere vi-  
deantur. Gerit medicus noster graecum nomen, more istius  
aeui, quo serui et liberti graeca nomina sibi adsciscere, graecis  
nominibus, quasi maior in his inesset aut gratia, aut digni-  
tas, vocari se cupierunt, id, quod exempla CALLISTI,  
ANTHI, EROTIS, DIADYMENI, ELAPHIONIS, EYMOLPI, THEO-  
PHILETIS, aliorumque plurium t) confirmant. Vtitur porro fo-  
lo

s) conferantur REINESIVS notis ad  
inscriptiones p. 228. et GORIUS not.  
ad columbar. seruos. et libert. *Liniae Aug.*  
p. 73.

t) conf. MYRATORIVS *in scr.* p.

CIDIOCCXXXVIII. 15. et 18. coll. p.  
13CCCL. 2. et p. 13CCCLXXXVII.  
GAVTERVS p. 13CCXXXV. 6. GORIUS  
columbar. seruos. et libert. *Liniae* p. 76,  
78. 92. et alibi saepius.

lo cognomine, omisso praenomine et nomine gentilitio, quod itidem fecere ea aetate cum liberti, tum qui artem aliquam profitebantur. Sic in libertis Liviae occurrunt praeter alios Tyrannus, Pasicrates, Anthus, Eros, Amaranthus, Diadumenus *u)* aliique. Apud GRVTERVM habemus Camurium, Communem, Corymbionem et Hilarum *x)*, apud REINESIVM vero Olypum, Onesimum et Gaudentium *y)*, apud MVRATORIUM denique Auienum, Callinicium, Callistum, Casinium et Florentinum *z)*. Inprimis vero hoc eis in usu fuit, qui artem aliquam didicerant, id quod exempla Philippi, Amphiat et Anterotis apud GRVTERVM *a)*, Democratis, Fausti, Glaphyri, Hilari, Manii, Manfueti, Phileti, Philodami et Troili apud MVRATORIUM *b)*, Elaphionis aliorumque apud REINESIVM *c)* docent. Eandem consuetudinem praeter ceteris medici imitati esse videntur, quo inprimis pertinent CORNVTVS apud BOISSARDVM *d)* et GRVTERVM *e)*: MENANDER, TALLVS, ALEXANDER et THEOPHILETES apud eundem *f)*: CHARINVS, LIMENIVS et NICOMEDES apud MVRATORIUM *g)* maxime vero, quod caput rei est et ad nostrum novissimum argumentum ἀμύσας pertinet, *medici ocularii*. Ad quorum numerum referendus est apud GRVTERVM *b)* Silicius:

SILICIUS. MEDI  
CVS. AB. OCVLIS

tum

*u)* p. 65. 76. 78. 88. et 93. dicti columbarii, a cel. GORIO editi.

*x)* p. 100000. 8. 1000000. 10. 10000000. 16. 100000000. 2.

*y)* p. 612. et 628.

*z)* p. 101000000. 1. 1010000000. 15. 18. 101000000. 9. 101000000. 6.

*a)* p. 1000000. 5. 1000000. 5. 1000000. 3.

*b)* p. 100000000000. 6.

1000000. 8. 1000000. 5. 1000000000. 3.

*c)* class. xi. infer. 31. p. 619.

*d)* tom. vi. antig. p. 15.

*e)* p. 1000000. 9.

*f)* p. 100000000. 7. 100000. 4. et 7.

*g)* p. 1000000000. 3. 1000000. 3.

3. 100000000. 1.

*b)* p. 100000. 3.

C

sum EX MVRATORIO <sup>1)</sup> Q. MACRELLIVS QVINTILIANVS, qui, omisso nomine gentilitio et praenomine, QVINTILIANVM se tantummodo vocavit, porro CAIVS EVLPITIVS HYPNVS, qui HYPRI tantum nomen gessit, apud EVMDEM <sup>2)</sup> denique C. CAPITO SABINIANVS <sup>3)</sup>, qui solo cognomine contentus, reliqua more istius aevi neglexit, seque SABINIANVM scripsit. Ipsum ceteroquin PHRONIMI nomen, a graeco *Φρόνιμος*, *prudens*, priscis romanis, in primis libertis, haud infrequens; et inusitatum fuisse, antiqua GRVTERI et MVRATORII marmora satis superque demonstrant. In his leguntur C. DIDIVS PHRONIMVS, <sup>4)</sup> T. PVBLICIVS PHRONIMVS <sup>5)</sup>, T. PHRONIMVS VNA cum matre sua PHRONIME <sup>6)</sup>, C. SENTIVS PHRONIMVS <sup>7)</sup> et C. IVLIVS PHRONIMVS <sup>8)</sup>, ne de aliis Phronimis <sup>9)</sup> dicamus, qui, uti noster *ἐπὶ τοῦ* solo cognomine scripti sunt, omisso nomine gentilitio et praenomine.

IAM vero, quatenam sint Phronimi huius contra oculorum morbos medicamenta, merito quaeritur. In lapide nostro primi lateris litteras PHRONIMDIAPSOR OPOBALSADCLAR interpretandas esse *Phronimidiapsor Opo Balsadclar* medicamentum OPOBALSAMUM AD CLARITATEM Oculorum. Medicamenta *ψαλικά*, quae ἀπὸ τῆς ψάλας, a scabiei genere, nomen suum tulerunt, priscis medicis haud incognita fuere, DIOSCORIDI in primis, AETIO, MARCELLO, tum SCLETONIO LARGO et aliis. Ac is quidem vnguēti cuiusdam *ψαλίκης* mentionem facit ad caliginem oculorum dissipandam. COLLYRIVM, inquit <sup>1)</sup>, *psoricum ad caliginem et ad aspritudinem oculorum, quam ἔνεο φθάλμιας adpellant*. Quare huius generis medicamentum Phronimi

no-

1) p. 10 VIII. 1.

2) ibid. num. 2.

3) apud STONIVM *miscellan. erudit. antiquitatis*, p. 237.

4) vide GRVTERVM p. 10 CCLXXXVIII. 4.

5) apud EVMDEM p. 10 CCCCX. 4. Inscriptio haec legitur etiam p. 10 CCCCXXI. 2.

6) apud EVMDEM p. 10 CXVI. 8.

7) ibid. p. 10 CXXXII. 8.

8) ib. p. 10 LXXXIII. et apud MVRATORIUM p. 10 CCCCXXXII. 4.

9) apud MVRATORIUM p. cxi. f. 10 CCCCXVII. 12. quae refertur p. 10 CCCCXXXVII. 6.

1) *composit. medic.* XXXII. p. 32.



nostri fuisse, coniectura haud improbabilis videtur. Quod vero *opobalsamum* id vocavit non ἀπὸ τοῦ ψαύειν, sed διαψαύειν, fecisse hoc videtur medicorum veterum more et consuetudine, qui medicamentis compositis, quoad ista a simplicibus distinguuntur, particulam *dia* haud raro praefixerunt, ut vocabula *diarrhodon*, *diamysus*, *diasmyrnion*, *diaphoron*, *dialepidium*, *diaglaucium*, cum in medicorum veterum scriptis, tum imprimis in oculariorum lapidibus frequentia, satis superque demonstrant. Quia in re hoc vnicum addere liceat, nullum fere olim ex his oculariis fuisse medicis, quin medicamentum aliquod, modo ad depellendam ab oculis caliginem, modo ad restituendam visus aciem, habuerit. Quo pertinet, praeter alios, Caius Capito Sabinianus apud SPONIVM, t) qui *chloron* vnguentum, viridi colore, oculis grato, vendidit. AD CLARITATEM oculorum, tum et DIAPSORICVM quoddam AD CALIGINEM oculorum dissipandam. *Isochryson*, id est, medicamentum auro contra eorum, splendida enim plerumque medicamentis suis veteres imposuere nomina, commendavit eodem oculorum vitio laborantibus M. IVLIVS. CHARITO apud ill. march. SCIPIONEM MAFFEIUM u) et de G. Sulpitio Hypno apud MVRATORIUM x) et Caio Capitone Sabiniano apud SPONIVM y) deque reliquis taceamus.

IN secundo lapilli nostri latere incisae sunt litterae: PHRO, NIMDIASMRN POSTIMPETLIPEXOV, quae, ad voces redactae, nostra coniectura legi debent: PHRONIM DIA SMYRNION POST IMPETUM ET LIPPIDINEM EX Oculo Vulnerato. Medicamentum, quod Phronimus noster commendat, ἀπὸ τοῦ σμυγνῆς nomen habet, quo herbae genus, ἀπὸ τοῦ ἵος σμυγνῆς, siue a myrrhae odore, designasse veteres, auctor est Dioscorides, tum Theophrastus alique. Videntur autem veteres medici, ut plura alia vocabula, quae plantae, herbae, frutices bitumina idque genus alia designant, sic et hoc σμυγνῆος non vna ratione usurpasse, aliis istud τοῦ πρὸς ὁλῶν vocabantibus, aliis

C 2

petro-

r) miscell. erud. antiquit. p. 237.

u) Hist. Gall. p. 81. coll. MVRATORI-  
RIO p. 13VIII. 3.

x) p. 13VIII. num. 2.

y) miscell. erudit. antiquit. p. 237, x



petroselinum cilicium, aut olus atrum romanum, vt CLAVDIVS SALMASIVS 2) egregie monstrauit. Duplex, inquit, hoc nomine herba in generibus differentibus, aliud saxis et sicco gaudet, unde et *πετροσέλινον* dictum: aliud humidis et opacis. Atque inde Plinii error, non distinguentis inter smyrnium illud, quod est olus atrum romanum, et aliud verum smyrnium, quod est petroselinum Cilicium. Hinc scripsit, credidisse veteres smyrnium loca petrosa amare, cum posteriores deprehenderint repastinato feri debere. Atqui de altero smyrnio id veteres tradidere, non de atro otere, quod smyrnium est in repastinato et humido ferendum. Aetas posterior hoc exemplum secuta, haec etiam nomina indiscreta habuit et inuicem permutauit. Pergit deinde de ipso *σμύρνη*: THEOPHRASTO *πετροσέλινον* dicitur, quod est verum *Dioscoridis* smyrnium, ex quo sinceram et optimam myrrham colligi dixit radice incisa. Hanc myrrham, quae e smyrnio colligebatur, recentiores Graeci *σμύρναν λεωχλιν* vocarunt, cum apud veteres hoc nomen habeat myrrba *Troglodytica*, de qua in exercitationibus. Neophytus: *σμύρνα λεωχλιν*, id *πετροσέλινον*. Paulo deinde post: atqui verum est, smyrnium esse vel hipposelinum Theophrasti: ex qua Boeotica illa myrrba, vel Achaica eliciebatur. Qua in re, alii, ad quod *τὸ σμύρνης* genus hoc diasmyrnium vel, vt SCRIBONIVS LARGVS habet, diasmyrnes, pertinuerit, videant. Res vtut sis, diasmyrnium hoc adhiberi Phronimus voluit post impetum et lippitudinem ex oculo vulnerato, sic enim supra data lapidis nostri verba legenda existimamus. De lippitudine oculorum in praesenti nihil dicemus, contra quam, nemo ignorat, in veterum medicorum scriptis plura remedia inueniri, de impetu vero, cuius Phronimus mentionem fecit, pauca notanda esse videntur. Non ignoramus, in aliis medicorum lapidibus hoc quoque vocabulum reperiri, imprimis in binis SPONIANIS 3), altero M. Iulli Heracleitis, qui duplex remedium ad impetum habuit, *cynarium* et *diarodon*, altero C. Capitonis Sabiniani, qui *nardinum* quoddam ad impetum oculi vendidit, ex spica nardi forte

2) *homonymis byles iatricae*, cap. 10) *miscell. erud. antiq.* p. 237. x vi. p. 14.



te compositum. Neque vero et hoc nos fugit, apud MARCELLVM b) impetum in numero morborum, quibus oculi obnoxii esse soleant, haberi. Verum si quid nos sentiamus, libere expromere liceat, videtur nobis impetus iste hoc loco non tam morbi genus, quam violentam et improuisam percussionem, qua oculus illiditur et percellitur, designare. Ac post talem quidem impetum, si laesus oculus madeat, siue contra ipsum hunc nimium oculi humorem vsurpari iubet Phronimus suum diasmyrnum.

IN tertio lapidis nostri latere Phronimus vnguentum habere et vendere se dicit contra aspritudinem, et cicatrices, EVODES dictum, sic vero *επιρυγαφην* lateris huius explicandam esse arbitramur. Sine dubio graecum hoc est vocabulum *εὐωδός*, ab *εὖ* *ωλο*, et *ὄδ* *bene*, deducendum, vnde vocabula *εὐωδός*, *bene olens* et *εὐωδία*, *bonus odor*, apud DIOSCORIDEM aliaque originem habuere. Idem fere, seu potius *vnguentum*, *suauem odorem habens*, significare hoc loco videtur vocabulum *euodes*, graece apud HOMERVM, PLVTARCHVM, DIONYSIVM *periegetam*, ATHE-NAEVM, HESYCHIVM aliosque obuium. Sic vero olim omnia medicamenta, quibus odoris suauitas gratiam aliquam conciliabat, vt ex SCRIBONIO LARGO suspicari licet, vocata esse videntur. Phronimus contra singulari a se composito vnguento nomen hoc impertire voluit. De ipsa aspritudine oculorum et commoda, vicio huic medendi, ratione multa habent veteres medici, inprimis MARCELLVS et SCRIBONIVS LARGVS. In quarta inscriptione *penicilli* mentio fit, cuius vsum ad omnem lippitudinem esse, Phronimus contendit. Itaque medicus hic ocularius penicillos quoque vendidit? Videtur, certe, si quidem vera sunt, quae TERENCEVS c), SCRIBONIVS LARGVS d), CELSVS e), alique referunt, penicillos ex linteolis concerptis, ex medulla sambuci, aut spongia factos, adhibitos olim vulneribus fuisse, vel abstergendis, vel aperiendis, vel vtne coirent et clauderentur.

C 3

b) libro de medicamentis.

d) composit. medic. cxxxii. p. 31.

et cxxxviii. p. 124.

c) eunuch. act. iiii. scen. 7. v. 9.

e) de medic. viii. c. 7. v. 6.



tur. Probabile vero est, Pronimum singulare penicillorum mol-  
lium genus vendidisse, quo nimius humor, a lippis defluens  
oculis, leniter et sine cutis, quæ oculum ambit, læsione ab-  
stergeretur.

HACTENUS de lapidis nostri inscriptionibus, Iam vero,  
quem olim vsum habuerint tales inscripti medicorum veterum  
lapilli, haud immerito quaeritur. IOANNES SMETIVS f) inge-  
nue ignorantiam suam fatetur, ac *me sustineo*, inquit, *et ingenue*  
*fateor, quid superiora significant, mihi non liquere. De illis quid*  
*sentiam, non facile dixerim, saepe mecum cogito, quid sibi illa ve-*  
*lint. Ego tamen nihil adhuc affirmare audeo, et iuuenili meo iu-*  
*dicio non tantum credo, videant, qui in castris litterarum veterani,*  
*et quibus emunctae magis purgataeque sunt nares. IAC. SPONIUS g)*  
quoad nos quidem scimus, primus fuit, qui aliquam de his la-  
pidibus Smetianis fecit coniecturam. *Prodiere*, inquit, *ante pau-*  
*cos annos antiquitates neomagenenses, quibus Smetius, vir eruditus, suum*  
*rerum antiquarum gazophylacium nobis exhibet, et eas inter, lapides*  
*duos virides quadratos in margine scriptos, quorum usum se igno-*  
*rare fateatur. Ego puto fuisse opercula pyxidum, in quibus unguen-*  
*ta, olea atque collyria referuabant pharmacopolae, quemadmodum*  
*apud nostros chirurgos in usu est gestare pyxides, in quibus quatuor*  
*aut quinque unguenta varii generis habent ad usum. SPONIUM*  
*sequeuti sunt reliqui fere omnes, qui eius generis lapillos qua-*  
*dratos in lucem publicam emiserunt, nominatim ill. marchio*  
*SCIPIO MAFFEI, qui de suo lapillo scribit, fuisse unguentariae*  
*thecae operculum. Quam quidem nos sententiam parum habere*  
*probabilitatis, non sine causa opinamur. Primum enim qua-*  
*tuor lapillorum horum latera inscripta sunt, aliud aliis medica-*  
*mentis. Quis vero credat, singulis pyxidibus, in quarum qualibet*  
*unicum tantum medicamentum fuit, datum fuisse operculum qua-*  
*tuor unguentorum nominibus inscriptum. Deinde, si operculum*  
*fuisse eiusmodi lapis, inscriptiones hercle non in lateribus il-*  
*lius, sed superiore parte incisae fuissent. Latera enim pyxidibus*

mar-

f) antiqui Noniomagenibus, p. 98.

g), miscell. erudit. ant. p. 236.

margine teguntur, adeo vt nullum plane vsum habuissent eiusmodi *πυργαί*, si operculorum loco tales lapides adhibiti fuissent. Accedit inuersus litterarum ductus a dextra ad sinistram. Is vero manifeste declarat, lapillos eiusmodi non ad tegendas, sed ad signandas pyxides vnguentarias adhibitos fuisse. Nam si lapillis his, tanquam operculo quodam, texissent pyxides, quo, quæso, consilio inuerse duxerunt litteras, a dextra ad sinistram? Obsignasse potius vel signasse iisdem videntur pyxides suas, impresso lapilli latere in ceram, quo demum facto, litterae rectae adparent et more consueto leguntur. Denique, quare foramen factum sit in medio operculi, contra ipsum operculi vsum, plane non videmus. Ex quibus omnibus, SPONIANAM sententiam non magnam prae se ferre veri speciem, haud obscure liquet.

QVARE lapillum nostrum, haud aliter ac reliquos, iam ante in lucem editos, sigillum esse, statuimus, quo vsus olim fuerit Phronimus medicus oculusarius ad signandas pyxides suas vnguentarias. Cui sententiae haud vulgarem probabilitatem conciliat cum inuersus litterarum ductus, ex quo effici posse putamus, sigillorum ~~vero esse~~ *hic lapillis medicos esse*, tum et id ipsum, quod studiose veteres medicamentorum, a se inuentorum, compositiones celarunt. *b)* Neque enim tum defuere fraudulentum homines, qui emtoribus vnguenta adulterina pro bonis obtruderent, aut arcanam aliorum artem imitantes, quae ipsi inepre concoxerant, pro veris et germanis aliorum medicamentis fallacissime vendirarent. Quam propter fallaciam et vt germanis huius generis vnguentis fides sua constaret, pyxides signabantur, signo officinae, aut nomine medici iisdem impresso.

ANTEQVAM vero quam dimittamus lapidem nostrum et huic commentationi finem imponamus, tria adhuc de illo notanda esse, videntur. Primum omnes fere huius generis lapides viridis olim fuisse coloris. Saltem id de plerisque animaduertunt interpretes. MAFFEIVS suum, quem in *Galliae antiquitatibus*

*b)* videantur, quae ea de re cels. *de veterum medicis oculusariis*, vol. III. TRYS WESSALINGIVS adnotauit, *obs. actor. soc. lar. Ienins. p. 48.*



tibus selectis i) ediderat, diserte lapillum quadratum subviridem vocat. Id fere suspicari licet de altero Maffeiāno, qui in museo Veronensi k) descriptus legitur. De suo pariter SMETIVS l) observat, esse lapidem viridem, politum et quadratum. Idem de lapillis suis SPONIVS m) confirmat, vocans eos virides; in quorum marginibus inscriptiones legantur. In MVRATORIANS n) is, qui primo loco positus, eiusdem est coloris, forte et reliqui, de quorum tamen colore nil ibi adnotatum reperimus. Ac huius quidem coloris rationem reddit SPONIVS, nostra sententia, haud improbabilem. Collyriis, inquit, adseruandis virides bosae lapides seligebant, quod bisce color sit oculorum amicus, quasi idcirco et ocularii deberent eundem colorem in thecis, pyxidibus et sigillis suis vnguentariis adfectare. Lapis ipse, vt supra iam observauimus, ad iaspidis genus referendus est. SPONIVS putat esse priscorum molochitem, siue, vt alii, a graeco μάλαχ, scribunt, malachitem, de quo PLINIVS: o) non translucet molochites, spissius virens, a colore maluae nomine accepto. Sic fere noster lapillus, quemadmodum malachitem descripsit PLINIVS. Iaspidem vero eundem vocamus, generis ratione habita, quo omnes lapides, qui continui vocantur, et perlucidi haud sunt, siue igne in calcem abeant, siue in massam aliquam vitream, iaspidis vocabulo comprehendimus.

DEINDE de scribendi compendiis, qualia in lapillo nostro cernuntur, nemo ignorat, eorum vsum antiquum quidem, sed in lapidibus perrarum et non nisi propter spatii angustiam in nummis vsitatum fuisse. Tantum vero abest, vt ea res suspectam reddere fidem, aut aetatem monimenti nostri possit, vt utramque magis stabiliat ac confirmet. Primum enim, si in nummis propter spatii angustiam scribendi compendia adhibita esse, videmus, summo certe iure adhiberi eadem quoque in nostro monimento potuere, in quo spatium, litteris incidendis destinatum, aequè haud maius est, ac in plerisque nummis esse solet.

Dein-

i) p. 79.

k) p. 135.

l) ant. Nouiom. p. 96.

m) miscell. erudit. ant. p. 332.

n) p. 19 v. 111.

o) libr. XXXVII. cap. 8.

Deinde ipsa, litteras contrahendi, ratio in nostro monumento maxime consentanea est cum ea, quam in antiquis romanorum monumentis deprehendimus. Contrahere enim litteras sic, ut pars unius figuram simul alterius referat, quemadmodum in figuris H. M. E. observamus: alteram altera, uti in nostro lapillo litteram O. minorem effingere, ut spatio consulatur: aliam alii imponere, uti in I. N. et M. idem angustis spatii causa: haec omnia a prisca romanorum consuetudine, neutriquam abhorrent. Sic apud SMETIVM p) in marmore, Antoninorum tempore facto, legitur E. pro ET. Apud GRUTERVM in vocabulo POSVERVNT binas ultimas litteras contractas, N. exhibet lapis, ut HOLTHENVS q) ex ALMELOVENII *scbedis* observat, qui idem scribendi compendium in pluribus aliis bonae notae lapidibus vidisse se, testatur. r) At pro AM habemus in prisco saxo Smetiano; s) in aliis vero eiusdem συλλογῆς legitur VI pro VM t) A pro AN u) R pro TR x) M pro MP y). In ALMELOVENII porro *scbedis* tabulam consularem, Hadriani temporibus excusam, et a GRUTERO z) exhibitam, HOLTHENVS a) sic exaratam invenit, ut litterae TII, AV, TII, IAC, ANN. iunctim scriberentur H A T H I R A. Sic quoque alias litteras aliis minores fecere Romani propter angustos lapidis limites. Exemplo sit marmor GRUTERIANVM b) in quo AVR scribitur pro AVR, et aliud apud SMETIVM c), quod litteram E minorem inclusit maiori C, et O litterae D, in hunc modum S A G R D S. Neque vero non alias litteras aliis imposuere, inprimis, uti in nostro monumento, litteram I. Sic vocabulum ITERVM LIPSIJ *auclarium* d) in marmore quodam sic scriptum exhibet IER; litteras

p) *inscript.* fol. CXXXVII. 18.  
q) *variorum corrigendis et animadversis ad thes. Grut.* p. CCCXVII.  
r) *ibid.* p. CCCXXIII.  
s) *fol.* CXXXVIII. 24.  
t) p. XXII. 3.  
u) p. XXIII. 1.

x) p. CLVII. 10.  
y) p. LII. 4.  
z) p. CXXVI.  
a) *loco memorato* p. CCCXXI.  
b) p. XXXVI.  
c) p. CL. 6.  
d) p. 29.



teras vero IR in alio marmore GRVTERIANO e) hac figura R expressas esse, HOLTENVS f) monuit, vt de aliis istiusmodi exemplis taceamus.

DENIQUE in eiusmodi oculariorum medicorum lapillis vestigia *ἰσχυροφίας* reperire sibi haud immerito visus est illustrissimus marchio SCIPIO MAFFEI. g) Exhibent enim litteras a dextra ad sinistram ductu inuerti, haud secus fere ac in nostris typothetarum officinis. Siftunt iidem lapides, ceræ vel argillæ, haud secus ac nostri typi chartæ, impressi, litteras a sinistra ad dextram, more scribendi consueto. Sunt denique lapides hi sic comparati, vt ipsis tanquam *αρχήτυπα* aliqua, plura exempla, sibi paria, breui tempore fingi ac produci queant, haud dissimili fere artificio, quod hodiernis litterarum formis proprium est ac commune. Eadem vero, quæ in his lapidibus, *ἰσχυροφίας* specimina præter lateres cœtiles multæ veterum lucernæ nobis exhibent, in quibus pari fere ratione nomen artificis vel officinae expressum legitur, cuius rei illustria inprimis exempla in multis raris lucernis ætælibus reperiuntur.

e) p. CLXVIII. 7.

f) loco memorato p. CCCIII. Plura eius generis scribendi compendiorum exempla suppeditant THOM. REINERSVS *class. II inscr.* 14. p. 254. FABRETVS *inscrip.* p. 255. OCTAV. BOLDONIUS *libr. V. epigraph.* p. 600.

GISE. CVPRVS *monim. ant.* p. 127. IO. DOM. BERTOLIVS *antebib. d' Aquileia.* p. 358. SCIP. MAFFEI *figlis Graec. lapitar.* p. 60. CHRIST. GOTTL. SCHWARZIVS. *miscell. polus. humanis.* p. 24.

g) museo Veronensi, p. CXXXV.




SIGIL-



SIGILLUM  
MEDICORVM OCVLARIORVM APVD  
VETERES ROMANOS

Q. CAERELLIVS QVINTILIANI



**E**x MYRATORIO *thes. nou. inscriptionum*, p. 10VIII. i. qui  
exstare verba haec, refert, in lapillo viridi et quadrato, re-  
perto prope aedem sancti Marculsi de insula in Neustria infe-  
riore anno Christi ciciocccxxviii. Misit Muratorio V. cl.  
IOSEPHVS BIMARDVS, montis Seleuci baro. De ipso lapide  
haec apud MYRATORIVM ibidem reperiuntur: monuit me do-  
ctissimus BIMARDVS, in quadrato hoc lapide litteras minime ex-  
surgere, sed alte incisas esse. Eo autem visum opinatur: Q. CAE-  
RELLIVM QVINTILIANVM ad inscribendos titulos pyxidibus, aut  
cistulis, quas ventiles circumferebat, quum ipse esset Myrobre-  
charius, aut Pharmacopola: de quo hominum genere multa  
habet Salmasius in exercitationibus Plinian. p. 739. Heic igitur  
primo se offert STACTE AD CLARITATEM, oculorum scilicet.  
Liquidissimum haec erat et pinguisimum e myrrha vnguentum,



de quo videndus Helychius. Latins plerumque solo *myrbæ* nomine indigetatur. Sequitur *DIALEPIDium* vnguentum, confectum ex succo *lepidii*, ex Dioscoride, Plinio, Athenæo, aliisque satis noti. Ex *myrrino*, cuius duo genera fuisse contendit praelaudatus Salmatius in homonym. hyl. iatric. cap. 16. expressum vnguentum, heic appellatur *DIASMYRNium*. Vltimum den que est aut *CROCODilium*, seu potius *CROCinum ODoratum*, scilicet vnguentum ex croco odoris fragrantissimi, cuius generis magno ad rem medicam vsui fuisse testatur Dioscorides. Ceterum pretiosa magnam partem eiusmodi vnguenta fuere: ideoque apud Plautum Curcul. act. I. sc. 2. Sana vinum sibi *Stacte* et *Crocium* esse dicuntur.

De eodem lapide cel. WESSELINGIUS *obs. de veterum medicis oculariis vol. III. actor. societ. lat. p. xi.* egregie quoque est commentatus. Sic vero ille: non recorder, Q. CAER. QVINCTILIANI nomen inter medicos reperire, quamquam inculpta remedia ocularium ostendunt. Primum est QVINCTILIANI *DIALEPID*: hoc est, si verum eruit clarissimus MYRATORIVS, *dialepidium*, vnguentum, ex succo *lepidii* confectum: at eius herbarum succus et folia ad exulcerationes conciliandas erant opportuna, visui atque oculis noxia. *Δύναμις δὲ ἐστὶ τῶν φύλλων δειμνῆα ἐλκυστικῇ*, scribit *h)* DIOSCORIDES. Quæ eius virtus haud laiebat seruos fugiuos, fugmata, fronti inusta, dispuncturas. *γ) COLYMELLA*:

et lactis gustum quæ condiat herba,

Deletura quidem fronti data ligna fugarum,

Vimque suam idcirco proficitur nomine Graio.

vbi vide celeb. JO. MATH. GESNERVM. Fuit in lapillo *DIALEPIDOS*, siue *math)* SCRIBONIVS, *squammarum aeris*, quam

Graeci *λινθία* vocant. Namque eum adpergebant oculorum

medicis.

*math)* mater med. L. II. 105.

*γ)* L. x. de cult. borror. v. 125.

*h)* compos. cxxxiii.

medicamentis ad scabritiem palpebrarum et fluxiones deter-  
gendas. *Μίγνυται δι καὶ τῆς οφθαλμικαῖς δυνάμεισι, ἔφηται γὰρ τὰ*  
*βλεφαρά τὰ τσαχέα.* l) DIOSCORIDES. Quin ipsum hoc *Dialepti-*  
*cos collyrium* non praeterit m) MARCELLVS. Sequitur in lapide  
QVINCTILIANI CROCOD. quod vir doctissimus aut CROCO-  
Dilium, aut potius CROCinum ODoratum explet. Neutrum  
bene, quamquam posterius a vero parum, a scriptura longius  
deflectit. CROCODer fuit iterum iterumque a n) GALENO  
expositum. Ad Q. CAER. QVINCTILIANI DIASMYRNon  
nihil addo; de eo supra. Restat QVINTILIANI STACT.  
quod Muratorio STACTE est, liquidissimum et pinguisimum o  
myrrba unguentum. Verius STACTon, ad oculorum claritatem  
et caliginem atque aspritudinem dispellendam perutile, de  
quo o) SCRIBONIVS. Graeci *σακχόν, εἰσακχόν, σακχινόν*, Latini  
*stactum* et *stacton* nuncupare solent, sicuti RHODIVS docuit:  
qui quidem in VEGETIO RENATO pro *stracta* forsitan scribendum  
esse *stacta* coniiciens, ansam ad examinandum eum locum prae-  
bet opportunam. Et cum *influxione* p), VEGETIVS ait, *serula*  
*vel virga molli animum caedito, sale et oleo perfricato, ipso die poste-*  
*ro stracta uteris: cuius haec erit compositio: sumitur sextarius duos,*  
*si defuerint, pollinis triticei duos etc. tum stractam quotidie im-*  
*ponito.* Vtrobique RHODIVS substituit *stactae* vocabulum, in-  
uito atque intercedente, neque iniuria, q) viro doctissimo, cui  
*stractu* de collyrio *stillatio* haud absurdum videbatur. GESNERVS,  
sospitator VEGETII, quid si legamus, inquit, *tracta*, aut certe *stra-*  
*ctam* eandem dicamus? In quo sententiarum diuortio demiror  
aditum ad fontem non fuisse, e quo VEGETIVS sua hausit: PE-  
LAGONIVS veterinarius eadem de re hunc ad modum r) καὶ  
ἐμφυήσας ἀνεμον εὐβαλλε, καὶ λεπτὴν σαβδω ἀπαλῶς πλήττει τὰς  
ὤμοπλασας, καὶ ἀλὰι καὶ ἑλαῖον ἀπὸ τριῶν αὐτῇ τῇ ημερᾷ, τῇ δ' ἐπεί-  
σῃ ΤΡΑΚΤΩΜΑ ποιεῖ, ἢ κατὰ κεῖν' αὐτῇ, σερμάδαλιος, ἢ ἀλγύες σι-  
D 3

l) mar. medic. L. V. 89.

m) de medicam. p. 73.

n) Emeric. de composit. medicam. p. 216. et 218.

o) composit. xxxiiii.

p) artis veterin. L. III. p. 104.

q) miscell. Lips. nov. vol. III. p. 111.


r) Hippiasric. p. 89.



Τὴν ἡγεσίαν ἔτασσον etc. Viden gemina, haec et VEGETII, Latinis germana? Ergone *tractomate* veteris et *tractoma* imponio reddemus VEGETIO? Equidem delerem neutrum, si scripti libri addicerent, qui *tracta* quum praeferant, detracto sibilo *tractum* malim. Τεχνὸν recentiores Graeci ceram albam, quod tractu continuo albesceret, vocarunt. Hinc τεχνήματα emplastrum ex cera alba aliisque speciebus, ut pulchre DUCANGIVS, quod *tractum* suo iure quin VEGETIVS vertere posuerit, nullum dubium est, praesertim quum *tractam*, quamquam alia in re, Cato et Plinius, quod bene Gesnerus, viurpant. Haec WESSELINGIVS.

## II

## C. CAP. SABINIANI



HOC sigillum dedit IAC. SPONIUS *miscellaneous erud. antiquit.* p. 237. etc. Ac de eo is, operculum, inquit, hocce erat ex lapide siue gemma non absumili Molochitae, sed paullo obscurior, forte *Cblorites* siue *Cblorides* Plinii, quem lib. 37. cap. 10. refert esse herbacei coloris. Collyriis asseruandis virides hosce lapides seligebant, quod hicce color sit oculorum amicus. *Antiquos*, inquit Athen. lib. 15. in unguentorum usu fuisse curiosos et diligentes, hoc est indico, quod privatim vnterique parti corporis ad-



*nea scirent.* Adde et vnus cuiusque partis varia pro variis morbis, veluti ad oculos collyria quam plurima, qualia haec, quae *Caii Capii Sabiniani* Myropolae siue Pharmacopoei erant.

**CHLORON AD CLAR.** Collyrium *chlaron* dictum a colore suo viridi, *claritudini* oculorum prospiciens. **NARDINVM AD IMPETVM** nomen a spica nardi habens, cuius meminit Aetius. Oleum quoddam nardinum describit Mesue; nunc etiam in vsu. *Nardinum* inquit Plinius lib. 13. cap. 1. *siue foliatum constat ompbucio, balanino, iunco, costo, nardo, amomo, myrrba, balsamo.*

**DIABSORICVM AD CALIG.** Collyrium ad oculorum caliginem dissipandam, cuius mentionem facit Marcellus, ad caliginem et asperitudinem oculorum, siccamque perturbationem sine tumore, quam xerophthalmiam Graeci appellant, facit hoc collyrium quod *psoricum* dicitur. Item infra, *Collyrium diaporicum.* **CHELEDON AD CLARITUDINEM** oculis conciliandam Plin. lib. 25. cap. 8. *Vruntur et per se succo Chelidoniae in collyriis; quae chelidonia vocantur ab ea.*

## III.

## C. IVLII DIONYSIODORI

C. IVL DIONYSIODORI DIAMISVS DVETCI
--

C. IVL DIONYSIODORI RI PACCANADIAT
---------------------------------------

Hunc lapillum debemus illustrissimo march. SCIPIONI MAFFEIO, *mus. Veronen.* p. CXXXV. qui de ipso haec commentatus est. In hoc lapillo litterae in duobus tantum lateribus non eminentes, sed incauatae vt impressae legerentur, typographiam imitantur, a dextra ad sinistram procedentes. Myropolae nomen, et cataplasmatum, et ad quid prodessent, notatur. Tabellae,



bellae, quam Parisiis vulgavi, diasmynum, et diarrhodon, aliaque felicius apud veteres scriptores inueni, sed medicamentum ad *Diat* nondum reperi. Num *collyrium enflatum* erat, quod ex Aetio appellatur *paccianum*, et faciebat ad acuendum visum? *Diamisum ad Vet.* declarare videtur mihi Plinius lib. 34. cap. 12. cum tradit, *Misi* inter virtutes ceteras extenuare *scabritias oculorum inueteratas*. De *Misi* vide Mercati Metallothecam pag. 65. *Ad Vet.* Ci forte ad *veterum ciliorum*? De *Diamiso* collyrio loquitur Marcellus Empiricus cap. 8. Vbi in nouo thesauro inscriptiones id genus afferuntur, typographos puto Plauti locum deformatum, nec opportune de suo, sic adiecisse. *Sana vinum sibi stacte*, et *crocium esse dicuntur*. Apud Plautum quidem lena bibax vini odore recreata sic vinum alloquitur: Curcul. A. 1. S. 2. *Tu mihi stacte, tu cinnamomum, tu rosa, tu crocum, et casia es*. Vel ex Aldi aedibus: *Tu stacte, tu cinamum, tu rosa, tu crocum, et casia es*.

## III

## M. IVLII CHARITONIS



Illustriss. march. SCIP. MAFFEI hunc lapidem ab obliuione vindicauit *antiquit. Galliae* p. 81. De quo sic vir meritissimus:  
lapil-



lapillus est quadratus subviridis, vnguentariae thecae olim operculum. Quadripartita ea fuit, et toridem collyria continuit, oculis aegrotantibus illinenda. Myropolae M. Iulii Charitonis vnicuique nomen adpositum. *Isochrysi* appellatione auro contra carum non esse forte studebant suadere, ad *claritudinem* acquirendam prodesse dicebatur. Huius nominis collyrium apud priscos medicos non inuenio, sed idem fuisse puto, quod velut incerto nomine et *isophoton*, et *isotbeon* olim vocatum, ab Aetio didicimus. *Diarbodon* Diagorae commendat Oribasius; Galeni item innotescit: Ad *feruorem* sedandum Charito valere suum adnotauerat. *Diasmyrnum* memorat Aetius, et Marcellus, et Scribonius Largus, qui ad pustulas, et ad suppurationes oculorum facere praedicant. Quod reliquum est, aut abstergens fuisse videtur quoddam, aut purgans a *διαψαίγω* appellatione deducta, vel a *διαψάω*: nisi tamen *Diaprasium* erat, quod in Nicolai antidotario contra oculorum caliginem recensetur. Post *MAFFEIVM* lapidem hunc edidit *MYRATORIVS nouo thesauro inscriptionum* p. 10VIII. 3. nihil tamen addidit de ipso, nisi quod *Diuione* is reperitur apud *r. OVDINVM ex scriptis regni. Opus de eo postea* commentatus est *cel. WESSELINGIVS obseruat. de veterum medicis oculus* vol. III. *act. soc. lat. lenens.* p. 49. Sic vero iste: *Vulgauit illustres natalium atque eruditionis gloria scipio MAF- FEIVS* 1) lapillum quadratum, vnguentariae thecae quondam operculum, cuius singula latera *M. IULII CHARITONIS* collyriis inscripta et signata sunt; qui quidem institutoris pigmentarii fuisse videtur, pyxide abdita, vti mos est, ea studiose seruantis, quae aut aliis venditaret, aut ipsemet aegrotis adplicaret. Multi enim hoc de genere olim audaciam atque inscitiam in artem vertebant et miseros temerarie circumscribebant. Talem certe perstringit atque ex meritis ornat 2) *EPICETVS*. M. Iulius Charito ocularius est, fortasse idem ac *CHARITO ὁ λαγῦνος* h. e. *multitudinis illex*: solebat enim circum fora et celebres merca-

1) *antiquit. Gallic.* p. 75.

2) *Aman. diff. Epicreti* L. IIII. 21.

p. 441. Ed. *VPTONI.*



mercatus ire ac agris optulari: *περίει γὰς πανηγύρεαι, u)* GALE-  
NVS inquit. Sine vero ab eo diuersus medicus CHARITO,  
cuius *de Trochiscis* commentarii in bibliothecis x) latent, quis  
adfirmauerit? Hunc ophthalmicum ostendunt compositiones ad-  
uersus oculorum incommoda, quorum primum in lapillo M. IV-  
LII CHARITONIS ISOCHRYSON AD CLARITATEM, siue, vt  
Graeci, *πρὸς ὀφθαλμικήν*. Negat vir illustris, hoc se nomine col-  
lyrium in medicorum libris inuenisse; est tamen in GALENO y)  
etsi prae nunc *ισοχρύσον πρὸς βιβρωμένους κανθάρους*. neque enim  
medici nomen est, sed medicamenti, cui ob vim mirificam *ισο-  
χρύσον, auro contra cavi*, titulum impegisse videntur. *τὸ χρυσόν*  
habet AETIVS. z). Sequitur in lapide M. IVL. CHARITO-  
NIS DIARHODON AD FERVOREM, sic optime MAFFEIVS:  
pessime L. ANT. MVRATORIUS: addito in thesaurum suum ex  
antiquitatibus Gallicis a) lapillo, omnia haec praeteriit, aliaque  
negligentissime iteravit: quae peccata in egregia collectione  
nimis, quod merito dolemus, sunt multa. *Diarhodon*, ex rosis  
collyrium, saepe GALENVS, ALEXANDER TRALLIANVS,  
PAVLLVS AEGINETA et AETIVS descripsimus, neque opus est  
indicio. Id vero *ad feruorem oculorum*, sic MARCELLVS, *πρὸς φλεγ-  
μὴν*, dissipandum et detergendum, commodum ac perutile fuisse,  
iidem non negant. Tum M. IVL. CHARITONIS DIASMYRNON DE...,  
in quibus *Diasmyrnon*, pro quo *Diasmyrnes* maluit SCRIBO-  
NIVS b), legendum esse, adsentimur MAFFEIO. Graeci *δια-  
σμυρνον*, et verius *διὰ σμύρνης*, ex vetere sermonis vsu, id reme-  
dium vocitant. Sed quid mutilatis litteris, de quibus nihil vir  
illustris, faciendum? Fuisse suspicor AD EPIPHORAS. Mo-  
ueor his SCRIBONII: *ad conturbationes et epiphoras oculorum scio  
multa collyria, tametsi tarde, magnos tamen effectus habere*: illis  
quoque, quae PAVLLVS AEGINETA d) disputat. Tandem  
M. IVL.

u) L. II. de antidot. p. 451.

a) *elof. nou.* p. DVIII. 3.

x) IAC. PHIL. D'ORVILLE ad  
Charitonem L. I. I.

b) *composit.* XXVI.

y) L. II. de *composit. medic.* p. 218.

c) *composit.* XVIII.

z) L. VII. p. 147.

d) L. III. 22. p. 72. edit. Basil.






M. IVL. CHARITONIS DIAPSA...., quod anceps admodum atque obscurum est. Vir illustris, aut *abstergens fuisse videtur quoddam, aut purgans*, a διαψαλέω appellatione deducta, vel διαψάω nisi tamen *Diaprasium* erat: quorum quidem posterius ipso litterarum ordine confutatur; priora eius sunt generis, ut, si recules, constabiliri nequeant: sunt praeterea pleraeque hae collyriorum compositiones ex pluribus constatae, proptereaque δια praescriptum habent. Tale est *Diapforicum* apud MARCELLVM e) quod, si in lapidis scriptura commissum esset, recipi poterat. Alioquin *Diapforon* erit. Meminit ψαφ. psari, a colore murino adpellati medicamenti, PAVLLVS AEGINETA, mirificeque fecisse f) ait, πρὸς τὰς νομὰς καὶ ὑπερσφαικασίαις, ad *ulcera depascentia et excrecentia*.

## V.

## C. SVLPITII HYPNI



Damus hunc lapillum ex MYRATORIO p. 10VIII. 2. qui exstare illum ait *Epamduodori in Seguanis, bodie Mandeure*, esse lapidem quadratum, missumque esse a BIMARDO. De ipsis επιγραφαῖς, in primo latere, inquit, interpretare C. SVLPicii  
E 2 HYPNI

e) de medicament. p. 73.

f) L. VII. 13. et L. IIII. 43.



HYPNI STACTVM OPOBalsamatum AD CapVt. In secundo HYPNI CROCODilium DIALEPIDiatum AD ASPRITVdinem. Meliora de isto nos docuit cel. WESSELINGIVS, laudata, *obs. de veterum medicis oculariis*, p. 54. cuius verba hic transcribere liceat: transeo ad alterum MVRATORI lapillum, c. SVLP. HYPNI collyria, et peregrino cognomine libertinae conditionis hominem offerentem. HYPNVN SERVVM dabit C. CAES. MALVASIA g), alium aut libertum aut eiusdem loci MVRATORIVS. b) Ophthalmici HYPNI COENON AD CLARITATEM non eget explicatione, neque indigeret C. SVLP. HYPNI CROCOD. DIALEPID. AD ASPRITVDINEM, nisi vir praeclarus iterum obtrusisset CROCODilium DIALEPIDiatum, quod CROCODES DIALEPIDOS fuisse, apertissimum est. Proprie faciebat et acré erat aduersus *aspritudinem oculorum et palpebrarum*, vt in SCRIBONIO. i) Tertium C. SVLP. HYPNI STACTVM OPOB. AD CV. ex opobalsamo, de quo PAVLLVS AEGINETA k) et prorsus egregie RHODIVS, l) concinnatum fuit: vtrum vero AD CapVt, quomodo MVRATORIVS, an AD *Cicatrices Veteres* extenuandas, sicuti MARCELLVS m) indicat, non temere decrevero: id mihi liquidissimum est, HYPNI LISIPONVM AD SVPPVRATIONES male sculptum videri: LY-SIPONVM oportuerat. ATIMETI et DIOMEDIS *λυσιπόνιον*, ad dolores sedandos collyrium, ceteris inseruit CL. GALENVS. n)

## VI

G. STAT. SABINIANI, DIACHERALE

EX MVRATORIO loco memorato, qui accepisse lapidem refert Vesuntione a BIMARDO. Esse, addit, hanc *πτερυγαφία* in quadrato lapide *incisis litteris et ordine praeposito exaratis*: dubium non esse, quin, sigillum fuerit alicuius pharmacopolae.

## VII.

g) *marmor. Felsin.* p. 231.

b) *thes. nouo* p. MCLXXIIII. 3.

i) *composit.* xxxv.

k) *Lib.* VII. 16. p. 282.


l) *ad Scribon.* p. 72.

m) *de medicam.* p. 72.

n) *de composit. medicam.* L. III. p. 216.

VII

M. VLPII HERACLETIS



Lapillum hunc primus vulgavit IO. SMETIVS *antiquit. Nouiomag.* p. 98. Lapillus viridis, inquit, apud me politus et quadratus, vnus fere est in quadratum pollicis, crassitie tertiam circiter digiti partem aequat, in marginibus voces sequentes, sed inuersae et retrogradae leguntur incisae interae.

Exhibitis deinde ipsis lapilli huius inscriptionibus, sic pergit: hic me sustineo et ingenue testor, quid superiora significent, mihi non liquere. De illis quid sentiam, non facile dixerem, saepe mecum cogito, quid sibi illa velint. Ego tamen nihil adhuc adfirmare audeo, et iuuenili meo iudicio non tantum credo, videant, qui in castris litterarum veterani, et quibus emunctae magis purgataeque sunt nares. Quibus haec subiungit SMETIVS: dum praelum sudat, et typographus sua grammata prioresque typos coniungit, opportune in meas manus incidit similis, sed crustosus eiusdem formae et magnitudinis lapillus, quem possidet Laurentius van den Bergh, vir consularis, atque optime pessimo tempore de tetrarchia et vrbe Nouiomageni meritis: non licet corrente praelo de litteris inuersis et characteribus illi incisus altius iam cogitare, tantummodo typum litterarum marginalium hic dabo. Ac ipse est lapillus, quem iam exhibemus, ordine, quem cuilibet eorum adsignauimus, octauus:

## VIII

## Eiusdem M. VLP. HERACLETIS



Binos hos SMETII lapides in *miscellanea sua eruditae antiquitatis* p. 237. transtulit SPONVS et ad eorum interpretationem haec adtulit: *Marcus Vlpus Heracles*, cuius in his duobus lapillis mentio est, fuit vnguentarius siue myropola, qui in pyxidibus haec *collyria sua affinebat*. STRATIOTICVM, hoc est collyrium, cuius meminit Marcellus lib. de med. collyrium ad caliginem et asperitudinem, quod stratioticum dicitur. TALASSE ROSA nobis incognitum. DIARODON, quod idem videtur ac nostrum *Rosaceum*, et Plinii *Rhodinum*, vel potius *Collyrium Diarhodan*, cuius Oribasius meminit: etenim addit AD IMP. hoc est ad *Impetum*, qui apud antiquos morbi oculorum species erat. Marcellus lib. de medicamentis, *collyrii* cuiusdam meminit, ad *lippitudoines et primos impetus oculorum*. CYCNARIVM, aliud *Collyrium* Oribasio *Cygnus* dictum. MELINVM Plinius lib. 13. cap. 1. memorat: *Amaracinum*, inquit, in *Coo*, postea eodem loco praelatum est *Melinum*: et Galenus lib. de comp. med. lib. 2. Athenaeus lib. 15. In *compotationibus* vile *Rosaceum* est, *Myrtinumque ac Melinum*, quod etiam prodest *ventriculo et Letbaricorum veterno*. DIAMYSVS a Myfi nomen habere potuit, quod est minerale notum. Collyrii *Diamysios* meminit Marcellus, quod ad asperitudines oculorum. TIPINVM et DIARICES mihi sunt incognita.

IX



## IX

## Q. IVLII MVRRANII

QIVLMVRRANIMELI NVMADCLARITATEM
------------------------------------

QIVLMVRRANISTAGIV MOPOBALSAMATADCAP
--

Edidit hunc lapillum EDMYNDVS CHISHVLL *dissertatione de nummo* ΚΛΩΠΙ *inscripto, ad egregium virum NICOLAVM FRANCISCVM HAYMIVM, addita inscriptioni Sigeeae, p. 121. editionis, quae Lugduni Batauorum MDCCCXXVII. 8. prodiit. Haec vero de ipsis ἐπιγραφαῖς et lapillorum horum vsu commentatus est vir eruditissimus: latinas huiusmodi publicationes, vtrunque vulgo non notatas, at reuera, mercimonii ergo, a veteribus olim factas, nemo est, qui recte pernegat. Tales enim duas, cerae pulchre impressas et a tesseris archetypis longiusculis more quodam typographico defumtas, adhuc apud me seruo, aliquot abhinc annis a domino Luskins Colcestrensi, antiquitatum harum studiofo, humaniter mihi communicatas. Hae igitur ad Colcestriam, romanam olim coloniam, repertae, et (quod mirandum fuit) in vsus etiam iapraliptae cuiusdam siue vnguentarii, fabrefactae, dici vix potest, quantum et in re ipsa et verborum formula, huic nostrae nummulariae publicationi ad amissum per omnia respondeant. Haec CHISHVLLIVS, quibus deinde explicationem vocabulorum vtriusque ἐπιγραφήs subiungit. Sic vero alteram legit. *Quinti IVLii MVRRANII MELINVM AD CLARITATEM, (sive, ex malis cotoneis oleum, ad claritatem oculorum faciens)* alteram: *Quinti IVLii MVRRANII STAGIVM OPOBALSAMATVM (sive myrrhae oleum opobalsamo permixtum) AD CAPUT, id est: caput medicandum vtile.**

Quid



Quum haec scriberemus, nobis, quod ingenue fateamur, incognitum fuit, similem lapillum in museo antiquitatum, quod in collegio societatis Iesu Lugdunensi est, reperiri, de quo nos humanissime admonuit vir excell. ac celeberr. IO. IAC. REISKIUS. Descripsit hunc lapidem doctissimus BERALDVS, cuius ea de re commentatricula in ephemeridibus anglicanis, *gentleman's magazin* mensis ianuarii anni MDCCCLIII. p. 21. legitur, quae postea in germanicam linguam translata, volumini quarto *des Bremischen Magazins* p. 43. inserta fuit. Ac in primo quidem huius lapilli latere leguntur verba.

C. CINTVSMINIBLANDI  
EVODES AD ASPR

In secundo:

C. CINTVS BLAN  
DI DIAPSOROPO

In tertio:

C. CINTVS BLAN  
DI DIASMYRNE

In quarto:

C. CINTVS BLAN  
DI SPONCLENI

Quae supra memoratus BERALDVS de hoc lapide eiusque inscriptionibus est commentatus, haec sunt. Rarum hoc monumentum exstat in museo antiquitatum collegii Iesuitarum Lugdunensis, unde vero eo delatum sit, esse facile liquet. Est lapis viridis coloris, formae quadratae oblongae, duos circiter pollices longus, XXI. lin. latus, et  $4\frac{1}{2}$  lin. crassus. In altero latere est cavitas elliptica, cuius spatium eo loco, ubi latissima ea est, quatuodecim, ubi breuissima octo demum linearum mensuram habet. Quodlibet latus habet *επιγραφη* duobus *εξαις* inuerso litterarum ductu incisam. Illi comes CAYLVS alique in ea opinione sunt, argumentis suis haud destituta, lapides hos fuisse sigilla, quibus antiquo aeuo medicamenta signauerint medici ocularii. Lapis ipse fuit adhuc ineditus, et inscriptiones eius ab aliis huius generis, quae raro tamen in museis inueniuntur. Is, cuius nomen in hoc lapide legitur, oculus medicus fuisse videtur. Dicebatur CAIVS CINTVSMINIVS BLANDVS.

Primum eius vnguentum fuit EVODES AD ASPR. Haec vocabula explicanda sunt: *εβωδες ad aspretudinem*. Ipsa ocularii orthographia non aequè optima et adcurata est. Graecum *εβωδες* significat *bene olens*, morbus vero, qui aspretudo dicitur, est siccitas palpebrarum et quidem partium earumdem interiorum. Vnguentum ipsum eiusque rationem ex SCRIBONIO LARGO composuit medic. XXVI discimus: praecipue hoc collyrium quod quidam *Arbenipum*, quidam *diasmyrnes*, quidam *εβωδες* vocant, quia boni odoris est. Paulo post addit, vnguentum hoc adhibitum fuisse ad tollendam aspretudinem palpebrarum. SCRIBONII LARGI auctoritate *εβωδες* idem olim fuit, quod *diasmyrnes*, cuius in tertio lapilli latere mentio facta est. Verum hoc ipso patet, aliquam viusque medicamenti differentiam fuisse. Probabile vero est, vnguentum *diasmyrnes*, si gratus ipsi odor datus fuerit, *εβωδες* dictum fuisse.

DIAPSO-



**DIAPSOROPO** est secundum vnguentum. Vocabulum hoc legendum est: *diapsopticum opobalsamatum*. Diapsoptum antiquorum dictum est a graeco vocabulo *ψωρα*, scabies. MARCELLVS EMPIRICVS, SCRIBONIVS LARGVS et CELSVS eius faciunt mentionem, idque contra oculorum aspritudinem commendant. Sine dubio vero *opobalsamatum* vocat, quod eidem vnguenta odorifera admixta fuerit.


Tertium vnguentum est *diasmyrnes* SCRIBONII LARGI, a myrrha, gr. *σμύρνα*, ex qua compositum fuit, sic vocatum.

Quartum vnguentum in nullo veterum scriptorum reperitur. Sine dubio aliquid fuit medico nostro oculario peculiare et proprium, quod ab ipso inuentum fuit et excogitatum. DIOSCORIDES lib. V. refert, vitas spongiarum adfuso aceto oculorum lippitudini aliisque eorumdem morbis mederi. Quare videtur, CINTVSMINVS, medicamentum quoddam leniens ex spongiis praeparasse, quod a graeco *σπινθμίνος*, nomen accepit.

His lateribus, in quibus vnguenta *soudes* et *diasmyrnes* leguntur, incisae videntur figurae plantarum, illud sine dubio fruticis vel arboris genus, ex quo myrrha colligitur, designantes.

## INSCRIPTIONES

### MEDICORVM OCVLARIORVM



#### 1. Romae in museo Carpenfi

P. ATTIVS. ATIMETVS
AVG. MEDICVS. AB. OCVL
H S. E

EX GRVTERO, 12LXXXI. 3. Forte idem Atimetus, cuius mentio fit apud SCRIBONIVM LARGVM, compos. 120.

#### 2. Romae in museo Albano

TI. CLAVDIO ....
MEDICO. OCVL
RIO VIX. ANN. ....
L. COCCIA VIRO
SVO

EX MYRATORIO 12CCCCXXXV. 2.

3. *Roma, in hortu sanctimonialium  
Barberinarum*

MARIA. Q. L. HILARA SIBI. ET  
P. COLIO. P. L. PHILOGENI MEDICO  
OCULARIO. VIRO. SVO. ET.  
M. FVLVIO. M. L. ZETHO. ET  
MARIAI. C. L. NIOBI. ET  
MARIAI. C. L. AVGTAE ET  
MARIAI. C. L. HELENAI

4. *Fani Fortunae in ambitu monaste-  
riorum Augustinianum, tab. marm.*

Q. COLIVS. Q. L. NICOMEDES  
MEDICVS. OCULARIVS. SEX. VIR  
COL. IVL. FANESTRIS  
COLIA. Q. L. SALVIA. VXOR.  
Q. COLIVS Q. F. POL. FANESTER. FILIVS  
VELIV. Q. L. PRISCA. VXOR.  
EX TESTAMENTO FANESTRIS FILI

EX MVRATORIO, 15CCCCCLXIII.

4. Legitur etiam in DONII *inscriptio-  
nibus* et apud GVDIVM p. CCXVIII. 9.  
Ibi pro COLIVS rectius est COELIVS  
pro NIOBI vero NIOBAI. Exstare,  
ait GVDIVS inscriptionem hanc *in basi*,  
*longa palm. 5 1/2 laza 2.*

EX BOISSARDO *tom. IIII. ant. p.*

87. et GRUTERO CCCCXVI. 8.

5. *Isolae in aedibus archipresbyteri in  
vase rotundo et longo*

Q. CLODIVS. Q. L. NIGER  
MEDICVS. OCULAR. SIBI. ET  
Q. CLODIO. Q. L. SALVIO. PATRONO

6. *in scabedis Vaticanis*

CN. DOMITIO. DEMETRIO  
MEDICO. OCULAR O  
PATRI. SVAVISSIMO  
DEMETRIVS. FILIVS. FECIT  
ITEM. HIRC. CONIVG. BENE M  
ET. SIBI. POSTERISQVE. SVIS  
IN. FRON. P. XXXIV. IN. AG. P. XXXIV

Lapidem hunc dedit REINESIVS  
*class. XI. num. 8. p. 611. tum FABRET-  
TVS inscrip. domest. cap. IIII. p. 300.*  
*itemque MALVASIA marmorib. Felsin.*  
*p. 219. Vterque addit tres conliber-  
tos, quibus pariter ac patrono suo  
lapidem hunc posuerat CLODIVS.*

EX FABRETTO *inscr. domest. p. 300.*  
*et MALVASIA marmorib. Felsin.*  
*p. 219.*

7. *Affli-*





7. *Affissi in Vmbria, tabula marm.  
fragmentum*

P. DECIMIVS. P. L. EROS  
MERVLA. MEDICVS  
CLINICVS. CHIRVRGVS  
OCVLARIVS VI. VIR CES.

Apud BOISSARDVM *rom.* III. *ant.*  
p. 148. et GRUTERVM, p. CCCC. 7.  
Nolumus vero integram inscriptionem  
hic transcribere. Quae enim sequun-  
tur, ad rem nostram nil faciunt.

9. *Romae in hortis Carpenstibus*

TI. IVLIVS  
AVG. ET  
AVGVSTAE. L.  
CVTISONVS  
MEDICVS  
OCVLARIVS  
H. S. E

EX BOISSARDO *libr.* IIII. *ant.*  
p. 84. ET GRUTERO p. ICLXXXI. §.  
MYRATORIVS inscriptionem hanc re-  
petiit, p. ICCCCXXVII. §. nomine  
CVTISONVS in CVTISORVS mutato.

11. *Bononia*

DIS MANIBVS  
M. LATINIVS. M. L.  
MEDICVS  
OCVLARIVS  
HERMES. VIXIT. ANNOS  
XXXX

Dederunt hunc lapidem ex ALIDOSII  
*reb. memorab. Bononiens.* IAC. SPONIVS  
*misc. erud.* *ant.* p. 143. et FABRETTVS,  
p. 300. n. 277.

8. *Neapoli apud Castellorum*

CN. HELVIVS. CN. L.  
IOLLA  
MEDICVS OCVLARIVS

EX GRUTERO, ICCCCXIII. 2.

10. *Romae, in sepulchro libertorum  
Liviae Augustae*

M. IVLI. SECVNDI  
MEDICI  
IN. FR. P. XIII  
IN. AG. P. XIII

EX GRUTERO p. ICCCCCVIII. 1.  
et MAFFEO *musco. Veronensi* p.  
CXXXV. 2.

12. *Veronae*

F. NVMITORIVS. P. L. ASCLEPIADES  
IIIIII. VIR. MED. OCVLAR. SIBI ET  
SIMPRONIAE. F. GALLAI. VXORI  
TESTAMENTO. FIERI. IVSSIT

Legitur hoc marmor apud ONVPHR.  
PANVINIVM, *ant. Veron.* p. 242.  
GRUTERVM CCCCCXXXIII. 4. et  
MAFFEIVM *Veron. illustrata, pars. 1.*  
p. 355. num. 23.

13. *Romae*

13. *Romae, in villa Corsinia*

D.	M.
M. FEYTCAS	
SIB	ET SVIS
MEDICO,	OCULARIO

EX MAYERI musco *Veronensi*, p.  
cclxxxiiii. i.

15. *Apud Fulv. Vrsinum*

SILICIUS	MEDI
CVS.	AB. OCVLIS

Exhibent lapidem hunc GRVTERVS  
p. 100xxxv. 3. et MYRATORIVS  
100000xxxvii. 14.

Cum his inscriptionibus pariter  
ac sigillis medicorum oculariorum,  
a nobis in hoc opusculo exhibitis,  
comparanda sunt, quae de co-  
dem argumento doctissime comen-  
tatus est illustrissimus comes  
CAYLVS *tomo I. du recueil d'an-  
tiquités expliquées.*

14. *Vrbini*

C. RVTILIO EVTHETO
MEDICO OCULARIO
RVTILIA, MYRINE
PATRONO. EIDEM. CONIVGI

Apud FABRETTVM *inscript. dome-  
stici*, p. 299.

16. *Romae, in cippo Tiburtino*

TIBERIVS. TL. CAESAR
AVG. SER. CELADIANVS
MEDICVS. OCULARIVS
PIVS PARENTIVM SVORVM
VIXIT. ANNOS. XXX
HIC. SITVS. EST. IN PERPET

Sic exhibet lapidem GRVTERVS,  
c100x1. 6. De nomine tamen hu-  
ius medici res incerta est, utpote quod  
ex vno hoc marmore apud alios aliter  
legitur. GRVTERVS enim loco lauda-  
tio cum vocat TIBERIVM, quam le-  
ctionem etiam sequitur GVDIVS *infr.*  
p. ccii. 12. SPONIUS autem *misf.*  
*cell. erudit. ant.* p. 143. FABRETTVS  
p. 300. num. 274. et MALVASIA  
*marm. Felsu.* p. 219. habent nomen  
ILLVSTRIVS pro TIBERIVS, LAV-  
RENTIVS PIGNORIVS de *seu* p. 34.  
CAROL. PATINVS monumento *Artorii*,  
p. 450. et RHODIVS notis ad Scribo-  
nium *Largum* p. 76. ex hoc nomine  
duplex faciunt huncque medicum TL.  
LYRIVM CELADIANVM adpellant.  
Tandem et ILLYRIVS CELADIA-  
NVS dicitur cum a laudato SPONIO  
*recherch. curieuf. d'antiquité*, p. 423. tum  
a MYRATORIO 100000cclvii. 7.



Österreichische Nationalbibliothek



+Z157944509



